

Ilanngussaq 1

Qinnuteqartup, kuutsitsinissamut akuersisummit kissaateqartup qinnuteqaatip suliarineqarnissaanut paasissutissat suut saqqummiutissanerai pillugit paasissutissiinissaq ilanngussami siunertarineqarpoq. Pisut ilaanni paasissutissat ilaasa qinnuteqaammi pisariaqannginnerat allassimasinaavoq. Qinnuteqaammi immikkoortup ataatsip immersorneqarnissaa pisariaqanngitsutut naliliiffigineqarpat, qinnuteqartup nalunaarsuinermini allassavaa: *Pisariaqanngilaq*. Tamatuma kingorna suliassamik suliariinnittup ilaatisinngitsoorneq eqqortuunersoq naliliiffigissavaa. Paasissutissat amigarnerini qinnuteqaat qinnuteqartumut utertinneqassaaq, qinnuteqaallu paasissutissat tamaasa pissarsiarineqarsimatinngit suliarineqassanngilaq.

Iermik igitassamik 50 PE-t sinnerlugit imermut igitassamut kuuffeqarfikkut, kangerlummuit immamullu kuuffilikkit kuutsitsisoqartassappat imm. F immersorneqassaaq.

A) Qinnuteqartut piginnittoqarnerlu pillugit paasissutissat

- a) Qinnuteqartup aqqa, najugaa, oqarasuaataata normua, fax-eqarpallu normua aamma mailadressea. Suliffeqarfik pineqarpat: Suliffeqarfifup aqqa kiisalu inuup attaveqarfissap aqqa, suliffeqarfifup najugaa, oqarasuaataata normua, fax-eqarpallu normua aamma mailadressea.
- b) Imermut igitassamut kuuffimmik piginnitoq qinnuteqartungippat, kuuffiup piginnittua pillugu paasissutissat: Piginnittup aqqa, najugaa, oqarasuaataata normua, fax-eqarpallu normua aamma mailadressea.
- c) Ingerlatsinermut kuuffeqarfiliornermullu tunngatillugu inuk attaveqarfissaq pillugu paasissutissat: Ateq, najugaq aamma oqarasuaataata normua.

B. Kuutsitassat pillugit paasissutissat

- a) Suliffeqarfik/angerlarsimaffimi pissutsit/kuuffeqarfik kuutsitsisussaq pillugu nassuaat naatsoq, imermik igitassamik pilersitsiviusuni suleriaatsit aallullugit. Matumani illumiiit imeq errortuivikoq, imeq errortuivikoq, imeq perusuersartarfinnik errortuivikoq sulinermilu errortuivikoq, imeq imaarsaataasoq kiisalu imeq qalianiit manissuniillu kuuttoq pineqarnersoq taaneqassaaq.
- b) Matumani pineqarpat illumiiit imeq igitassaq, imeq errortuivikoq, imeq perusuersartarfinnik errortuivikoq sulinermilu errortuivikoq, imeq imaarsaataasoq kiisalu imeq qalianiit manissuniillu kuuttoq.
- c) Suliassatut qinnutigineqartumut nassuaat naatsoq. Kuuffeqarfik nutaajunersoq imaluunniit kuuffeqarfik pioreersoq allineqarnersoq allanneqassaaq.
- d) Qinnutigineqartoq utaqqiisaannaasumik atugassaappat, piffissaq aallartiffissaa naammassisvissaalu uani allanneqassaaq.

C. Sananeq pillugu paasissutissat

- a) Suliassap qinnuteqaatigineqartup teknikkimut tunngasortaanut nassuaat, annertussusissaanut atortullu toqcarneqartut suunerinut paasissutissanik imaqartoq.
- b) Qinnuteqaatigineqartumi illumi alliliinissaq/allannguinissaq pisariaqartinneqarnersoq nassuiaruk, aammalu kuuffeqarfimmun sananissamut akuersisummiq/nunaminertamik atugassinneqarnissamik pissarsinissaq pisariaqarnersoq allaguk.
- c) Sanaartornissamut tunngasut piffissat aallartiffissatut naammassiffissatullu naatsorsuutigineqartut allakkit.
- d) Kuuffeqarfiliornerup kingunerisaanik kuuffeqarfifit pioreersut allangortinnejarnernik kinguneqassanersoq, allangortinnejassappatalu suut pineqarnersut nassuiaruk.

D. Ukununnga titartakkanik ilanngussigit:

- a) Illut tamarmik inisisimaffii aammalu illup immikkoortuata, kuuffeqarfimmut atassuserneqarsimasup, kuutsitamik katersuiffissamut kuuffilerneqartussap inisisimaffia.
- b) Suliffeqarfik kuuffeqarfimmut atassuserneqassappat, suliffeqarfifit tunisassiorfiata inisisimaffia allanneqassaaq.
- c) Suliffeqarfimmi, kuuffeqarfimmut atassuserneqarsimasumi, illup silataani imaluunniit illup iluani imermik errortuivikumut kuuffeqarfimmi suliaqartoqassappat tamanna ilisimatitsissutigineqassaaq.
- d) Suliffeqarfik kuuffeqarfimmut atassuserneqarsimappat, tamanna suliffeqarfifit imermut errortuivikumut aamma imermut nunap qaaniittumut kuuffeqarfifita (ruujorilersukkap imaluunniit ruujorilersugaanngitsup) titartagartai atorlugit ilisimatitsissutigineqassaaq, taakkununngalu ilaapput kuuffeqarfifit, katersuiviit siorartallit, uulianik immikkoortiterutit saliisarnermiluunniit iliuuserisat allat, soorlu imermut errortuivikumut atortunut imaluunniit imermut errortuivikumut katersuivinni silaannarissaatit. Titartagaq qalipaateqassaaq, taamaalilluni aqqusersuutit suut imermut errortuivikumut atorneqarnersut ersarissalluni.
- e) Illup iluani silamilu tunisassiassat, ikiortitut atortut eqqakkallu, kuuffeqarfimmut kuutsinneqarsinnaasut inisisimaffii titartakkami nalunaarsorneqassapput.
- f) Titartakkat uuttuuserneqassapput avannamullu sammisortanut tikkuteqassallutik.
- g) Titartakkat tamarmik kommunimut pilersaarummut tapiliussat arlaanni kuutsitsisoqassaneranut nalunaarsukkanik imaqassapput.

E. Imermut errortuivikumut nassuaat

Immikkoortumi matumani imeq errortuivikoq kuuffeqarfikkut kuutsinneqartussaq nassuaasiorneqassaaq.

Imermut errortuivikumut kuuffeqarfikkut kuutsinneqartumut ataatsimut imeq kuutsinneqartoq m3-nngorlugu, erngup katitigaanera sumiiffiillu kuuffeqarfiusut,

kissassuseq, pH, akuutissat mingutsisisinnaasut aamma akuutissat katagartut annertussusii ilisimatitsissutigineqassapput.

Erngup kuutsinneqartup sekundimut, nalunaaquttap akunneranut, ullormut unnuamullu aammalut ukiumut annerpaaffia, kiisalu kuutsisinerup nalunaaquttap akunneranut, ullormut unnuamullu, sapaatit akunnerannut, nalunaaquttap akunneranut kiisalu kuutsisinerup ingerlaannartumik naaffeqartumilluunniit ingerlanneqarneranut paassisutissat ilisimatitsissutigineqassapput.

- a) Imeq anartarfinnik errortuivikoq.
 - a. Kuutsisinermi inuit amerlassusii
 - b. Inuit eqqagaat
- b) Imeq sulinermi errortuivikoq.
 - a. Sulinermi erngup kuutsinneqartup katitigaaneranut nassuaat.
- c) Imeq nillasaatigineqartoq.
 - a. Erngup nillasaatigineqartup katitigaaneranut nassuaat. Iermik nillasaatigineqartumik kuutsisisoqarpat, erngup nillarsaataasup kissassusia nassuiardeqassaaq, tassungalu kuutsitseriaatsip allanngorarnera ilanngunneqassaaq.
- d) Kantiinaqarfitt/suliffissuit igaffi
 - a. Kantiinaqarfimmit/suliffissuit igaffiinit erngup errortuivikup katitigaaneranut nassuaat
- e) Uulianik akulinnik (biilit, atortut qaavi uuliatallit, qillerutinut/killuutinut uuliat, nutsuinermut uuliat assigisaallu) errortuisoqartarp/orsuiaasoqartarp, tamanna uani nassuiardeqassaaq,
- f) Allat
 - a. Erngup errortuivikup katitigaaneranut nassuaat (Akuutissani aamma Uumassusilerinermi ilti atorneqartoq, N-it katinneri, P-t katinneri, akuutissat katagartut, akuutissat avatangiisiniittuunngitsut aatsitassiassallu oqimaatsut)
- g) Ingerlatsinermut akornusersuutaasinnaasut imaluunniit ajutoornerit imermut errortuivikumut aqqusersuutini allanngortitsisinnaasut pillugit paassisutissat
- h) Kinnikunik sinnikunilluunniit allanik kuutsinneqartunik toqqortaqarneq eqqaanerlu.

F. Atugassatut naatsorsorneqartunut kiisalu imeqarfimmiit imermut errortuutissamut takussutissiat

Iermik errortuivikumik kuuffeqarfikkut, kangerlummut immamullu kuutsinneqartukkut 50 PE-t sinnerlugit kuutsitsisoqartarnerani, imm. F-imi immersugassat immersorneqassapput.

Imeqarfimmit imeq kuutsinneqartoq

Imeqarfip pisinnaasaa (m ³ /ullormut)
Erngup errortuutikup annertussusia (m ³ /ullormut)
Iermi errortuutikumi kinnerup annertussusia (gram/m ³)
Akuutissat akulerunneqartut

Suliassaqarfinni ataasiakkaani atuinermut naatsorsukkanut takussutissiaq

Sumiiffik	Inoquligit amerlassusii	Inuit amerlassusii	Kuutsinneqartut m ³ /ullormut	BI5 kg/ullormut	SS kg/ullormut	Katill.-P kg/ullormut	Katill.-N kg/ullormut	P E
Katillugit								

BI5 (Ulluni unnuanilu tallimani uumassusillit iltimik atuineraat)

SS (Akuutissat katagartut). Akuutissat katagartut amerlassusaat imermik misissugassamik filterimit, putui 1,6 µm-inik (1,6/1000 mm) angissusilimmit tigusinikkut aalajangerneqartarput.

G. Mingutsitsineq aamma mingutsitsinermik killilersuiniarluni iliuuserisat pillugit paasissutissat

- a) Iermik errortuivikumik kuutsitsinermi mingutsitsinermik killilersuiniarluni iliuuseqarneq qanoq ingerlanneqarnersoq nassuiarneqassaaq, aammalu teknologii toqqarneqarsimasoq nassuiarneqassalluni, tassungalu ilanngullugu soq tamanna teknikkutut pissarsiarineqarsinnaasutut pitsaanerpaatut isigineqarnersoq pillugu tunngavilersuisoqassaaq.

- a) Mingutsitsinermik killilersuinermut iliuuseqarnermut atortut tassaasinnaapput katersuiviit siorartallit, uuliamik immikkoortiterutit, orsumik immikkoortiterutit saliiviillu.
 - b) Mingutsitsinermut killilersuinermi iliusissanik atuisoqarpat, taakku pisinnaasaat allanneqassaaq.
- b) Iermik kuutsitamik katersuiviup aqqa paasissutissiissutigiuk.
 - c) Iermik kuutsitamik katersuivimmut kuutsitsinissamut qinnuteqaat, imeqarfimmi tigooqqarneqartumi akooriaatsimut paasissutissanik (kimikillisaanermut naatsorsuutit) ilaqtinnejartoq nassiunneqassaaq.

H. Piumasaqaatissatut aamma nammineerluni misissuisarnissamut siunnersuutit

- a) Suliffeqarfiup piumasaqaatissatut aamma nammineerluni misissuisarnissamut siunnersuutai allattukkit. Siunnersuutit ukuningga imaqassapput:
 - a. Misissuilluni uuttuisarnerit amerlassusissaat annertussusissaallu.
 - b. Misissugassanik tigusiffissat
 - c. Saliinermi atortunik aserfallatsaaliuinermi misissuisarnermilu periaatsit sulinissamullu pilersaarutit.
 - d. Atortut salinneqartarnerisa ingerlanerinut nalunaarsuiffissamut assersuutit.

I. Qinnuteqaatip nassiunneqarnerata ullua kiisalu qinnuteqartup atsiornera

- a) Nassiussisoq / ulloq